

ერთი მხრივ, სსიპ „საქართველოს კომუნიკაციების ეროვნული კომისია“ (შემდგომში „შემსყიდველი“), წარმოდგენილი კომისიის თავმჯდომარის კახი ბექაურის სახით და მეორე მხრივ, შპს „აიფიემ კვლევები“ (შემდგომში „მიმწოდებელი“), წარმოდგენილი მისი დირექტორის გოჩა ცეციტიშვილის სახით, „სახელმწიფო შესყიდვების შესახებ“ საქართველოს კანონის შესაბამისად, 2018 წლის 20 დეკემბერს გამოცხადებული ელექტრონული ტენდერის ჩატარების შედეგად (ტენდერის კოდი: SPA180009781; შესყიდვის კატეგორია: CPV 92400000), ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში ხელშეკრულება) - „სახელმწიფო შესყიდვების შესახებ“ საქართველოს კანონის შესაბამისად, შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს მომსახურების შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ - იურიდიული პირი, რომელიც შემსყიდველს აწვდის მომსახურებას სახელმწიფო შესყიდვის შესახებ ხელშეკრულების შესაბამისად.
- 1.6. „მიღება-ჩაბარების აქტი“ - წერილობითი დოკუმენტი, რომელიც ფორმდება მომსახურების მიღების შემდეგ.
- 1.7. „ტექნიკური დავალება“ - სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

საინფორმაციო გარემოს მონიტორინგის მიზნით, მიმწოდებელი უზრუნველყოფს შემსყიდველისათვის მედიაში განვითარებული მოვლენებისა და მნიშვნელოვანი ინდუსტრიის, სფეროს, თემის, კომპანიისა და პიროვნების შესახებ ტელევიზიით, ბეჭდვითი პრესით, რადიომუწყებლობით, ინტერნეტ საიტებით და სოციალური მედიით გადმოცემული მასალების სრულყოფილი და გაანალიზებული სახით ოპერატიულად მიწოდებას, დანართი N1 - ის, შემსყიდველის სატენდერო განცხადებისა და მიმწოდებლის სატენდერო წინადადების (ელექტრონული ტენდერი: SPA180009781) შესაბამისად (შემდგომში „მომსახურება“), რომლებიც წარმოადგენს ამ ხელშეკრულების განუყოფელ ნაწილს, ხოლო შემსყიდველი მიმწოდებელს გადაუხდის მიღებული მომსახურების საფასურს.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს 8,400 (რვა ათას ოთხასი) ლარს, რომელიც მოიცავს საქართველოს კანონმდებლობით გათვალისწინებულ გადასახადებს და მომსახურების მიწოდებასთან დაკავშირებულ ყველა ხარჯს.

3.2. მომსახურების ერთი თვის ღირებულება შეადგენს 700 (შვიდასი) ლარს, რომელიც მოიცავს საქართველოს კანონმდებლობით გათვალისწინებულ გადასახადებს და მომსახურების მიწოდებასთან დაკავშირებულ ყველა ხარჯს.

4. მომსახურების დასახელება, რაოდენობა და ღირებულება

ხელშეკრულებით გათვალისწინებული მომსახურების დეტალური აღწერა მოცემულია შესყიდვების ერთიან ელექტრონულ სისტემაში, შემსყიდველის სატენდერო განცხადებასა და მიმწოდებლის სატენდერო წინადადებაში, (ელექტრონული ტენდერი: SPA180009781), რომლებიც წარმოადგენს ხელშეკრულების განუყოფელ ნაწილს.

5. ანგარიშსწორების ფორმა და ვადები

5.1. შემსყიდველი მიმწოდებელთან ანგარიშსწორებას ახორციელებს მიმწოდებლის მიერ მითითებულ საბანკო ანგარიშზე თანხის გადარიცხვით ეროვნულ ვალუტაში - ლარში.

5.2. ანგარიშსწორება განხორციელდება ეტაპობრივად, თვის ჭრილში (გაწეული მომსახურების დღეების პროპორციულად) გაწეული მომსახურების პროპორციულად მხარეებს შორის გაფორმებული მიღება-ჩაბარების აქტის ხელმოწერისა და შესაბამისი ანგარიშგაქტურის წარდგენიდან 7 (შვიდი) სამუშაო დღის ვადაში.

6. მომსახურების გაწევის ადგილი და ვადა

6.1. მედია მონიტორინგის მომსახურება უნდა განხორციელდეს მიმწოდებლის ვებგვერდის საშუალებით.

6.2. მომსახურების გაწევის ვადა: ხელშეკრულების ხელმოწერის დღიდან 12 (თორმეტი) კალენდარული თვის განმავლობაში (2020 წლის 23 იანვრის ჩათვლით).

7. სტანდარტები და გარანტია

7.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი მომსახურების მიწოდება.

7.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი მომსახურების დეფექტის ან ნაკლის აღმოფხვრა.

7.3. მიმწოდებლის მიერ ამ ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები დეფექტის ან ნაკლის გამოსწორებისათვის და მიმწოდებელს მოსთხოვოს შესაბამისი ხარჯების ანაზღაურება ან გამოქვითოს ეს თანხა მიმწოდებლისათვის გადასახდელი თანხიდან.

8. მხარეთა უფლება-ვალდებულებები

8.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;

ბ) მომსახურების მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

8.2 შემსყიდველი ვალდებულია:

ა) უზრუნველყოს მიმწოდებლისათვის მიღებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

8.3 მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.4 მიმწოდებელი ვალდებულია მიაწოდოს სათანადო ხარისხის მომსახურება სრული მოცულობით.

9. ხელშეკრულებით ნაკისრი ვალდებულებების შესრულების კონტროლი და შემოწმება

9.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ან/და შეამოწმოს მომსახურების შესაბამისობა ხელშეკრულებით გათვალისწინებულ მოთხოვნებთან.

9.2. ხელშეკრულებით ნაკისრი ვალდებულებების შესრულებაზე კონტროლსა და შემოწმებას შემსყიდველის მხრიდან განახორციელებს კომისიის საზოგადოებასთან ურთიერთობის სამსახურის უფროსი ლანა ბერიძე ან/და ამავე სამსახურის წამყვანი სპეციალისტი რუსუდან ჭაბუკიანი (აღნიშნული პირები არ იმყოფებიან მიმწოდებელთან ინტერესთა კონფლიქტში).

9.3. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

9.4. შემსყიდველის მხრიდან მიღება ჩაბარების აქტზე ხელმოწერის უფლებამოსილება ენიჭება კომისიის საზოგადოებასთან ურთიერთობის სამსახურის უფროს ლანა ბერიძეს ან/და ამავე სამსახურის წამყვან სპეციალისტ რუსუდან ჭაბუკიანს (აღნიშნული პირები არ იმყოფებიან მიმწოდებელთან ინტერესთა კონფლიქტში).

9.5. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. პირგასამტეხლო ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.

11.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეტყობინების შემდეგ.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

11.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ, ასევე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;

ბ) მიმწოდებლის გაკოტრების ან/და ლიკვიდაციის შემთხვევაში;

გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;

დ) საქართველოს კანონმდებლობით გათვალისწინებულ სხვა შემთხვევაში.

11.6. ამ მუხლის 11.5. პუნქტის ა) ქვეპუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტობრივად მიწოდებული მომსახურების ღირებულება.

12. გამოყენებული სამართალი და ხელშეკრულების ენა

12.1. ხელშეკრულება შედგენილია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12.2. ხელშეკრულება დაიწერა ქართულ ენაზე, ორ ეგზემპლარად და ორივე ეგზემპლარს აქვს თანაბარი იურიდიული ძალა.

13. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახდელების გადახდაზე.

14. დაუძლეველი ძალა

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.

14.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

15. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს, საქართველოს მოქმედი კანონმდებლობის შესაბამისად.

16. ინტერესთა კონფლიქტის თავიდან აცილება

წინამდებარე სახელმწიფო შესყიდვის მოსამზადებელ ეტაპზე შემსყიდველის მიერ გარკვეულია, რომ შემსყიდველის მიერ არ არის დარღვეული „სახელმწიფო შესყიდვების შესახებ“ საქართველოს კანონით განსაზღვრული ინტერესთა კონფლიქტის დებულებები.

17. ხელშეკრულების მოქმედების ვადა

ხელშეკრულება ძალაში შედის ხელშეკრულების ხელმოწერისთანავე და მოქმედებს 2020 წლის 31 მარტის ჩათვლით.

შემსყიდველი:

მიმწოდებელი:

სსიპ „საქართველოს კომუნიკაციების ეროვნული კომისია“ საიდ. კოდი: 204953050 კომისიის თავმჯდომარე კახი ბექაური (გამოყენებულია ელექტრონული ხელმოწერა)	შპს „აიფიემ კვლევები“ საიდ. კოდი: 204447544 მისამართი: ქ. თბილისი, ბარათაშვილის ქ. N 8 საიდ. კოდი: 204447544 სს „თი ბი სი ზანკი“ ა/ა: GE37TB1100000120467807 დირექტორი გოჩა ცეციშვილი (გამოყენებულია ელექტრონული ხელმოწერა)
--	---

დანართი N1 - ტექნიკური დავალება

1. მიმწოდებელმა შემსყიდველს უნდა გაუწიოს შემდეგი მომსახურება:

- ა) შემსყიდველს უნდა ჰქონდეს ინფორმაციაზე ოპერატიული წვდომა - მედიაში განვითარებული მოვლენების შესახებ;
- ბ) უნდა მოხდეს მასალების სრულყოფილად მიწოდება რეალურ დროში;
- გ) აუცილებელია მონიტორინგი ხორციელდებოდეს და მონაცემების განახლება ხდებოდეს უწყვეტად, ინფორმაციის მედიაში გავრცელების პარალელურად;
- დ) შემსყიდველი უნდა იღებდეს ინფორმაციას ეთერში, საინფორმაციო სააგენტოზე განთავსებიდან მაქსიმუმ 20-25 წუთში;
- ე) შემსყიდველს ინფორმაცია უნდა მიეწოდებოდეს 24/7 რეჟიმში;
- ვ) შემსყიდველმა ყოველი დღის დასაწყისში უნდა მიიღოს მონიტორინგის შედეგები სრულყოფილი და გაანალიზებული სახით;
- ზ) მიმწოდებელმა შემსყიდველს ინფორმაციები უნდა მიაწოდოს შეტყობინების სახით (sms სერვისი).

2. მიმწოდებელმა უნდა უზრუნველყოს შემსყიდველის წვდომა შემდეგ სერვისებზე:

- ა) მონაცემების გაფილტვრა, ორგანიზაციის დასახელებით, სუბიექტებით, ობიექტებით, თარიღით, მედიის დასახელებით, გადაცემის და ავტორის/წამყვანის დასახელებით, პუბლიკაციის ტიპით, გვერდით, კატეგორიით, სათაურით;
- ბ) მიმწოდებელმა უნდა უზრუნველყოს შემსყიდველისათვის სატელევიზიო და რადიო სიუჟეტების, ვიდეო და აუდიო ფაილების მიწოდება გამიფრული ტექსტუალური მასალით, რომელსაც თან უნდა ერთვოდეს აქცენტების იდენტიფიცირება პოზიტიურ ნეგატიურ ჭრილში;
- გ) უნდა არსებობდეს გადმოწერის და გაზიარების შესაძლებლობა;
- დ) ინტერნეტ სააგენტოებისა და საგაზეთო პუბლიკაციების დასკანირებული ვერსიები აუცილებელია;
- ე) უნდა ხდებოდეს სააგენტოზე განთავსებულ ინფორმაციაზე ლინკის საშუალებით წვდომა.
- ვ) პრესის მონიტორინგის მიწოდება უნდა მოხდეს არაუგვიანეს დილის 11:00 საათისა, ატვირთული საბეჭდი და გადმოსაწერი ვერსიის სრული გამიფრული ტექსტებით.

3. შემსყიდველს უნდა მიეწოდებოდეს ყოველთვიური, საჭიროების შემთხვევაში კვირაში ერთხელ, ან კონკრეტული დღის, ანგარიში, სადაც ასახული იქნება:

ა) კომისიის, კომისიის თავმჯდომარის, კომისიის წევრების, კომისიის აპარატის თანამშრომლების მოხსენიების სიხშირე, როგორც არხების და გადაცემების, ასევე ჟურნალ-გაზეთებისა და საინფორმაციო სააგენტოების მიხედვით;

ბ) პოზიტიური და ნეგატიური აქცენტები;

გ) აქტივობების რაოდენობრივი და შეფასებითი ანალიზი;

დ) დინამიკა თემების მიხედვით;

ე) ტელეეთერში აქტივობების ქრონომეტრაჟის რაოდენობა და დინამიკა;

ვ) სააგენტოებზე გავრცელებული ინფორმაციის მკითხველთა რაოდენობა და დინამიკა;

ზ) მიმწოდებელს უდნა ჰქონდეს როგორც ვებ-პლატფორმის დესკტოპის, ასევე მოქნილი მობილურის ვერსიები;

4. მიმწოდებელმა უნდა უზრუნველყოს შემსყიდველისათვის არანაკლებ 6 (ექვსი) თვიანი არქივის არსებობა.

მედია საშუალებები:

ტელევიზიები: 1 არხი, რუსთავი 2, იმედი, ტელეკომპანია პირველი, კავკასია, მაესტრო, აჭარის ტელევიზია, პალიტრა, იბერია.

რადიოები: იმედი, პირველი რადიო, მაესტრო, რადიო 1, პალიტრა, კომერსანტი, აფხაზეთის ხმა, რადიო ფორტუნა.

პრესა: გაზეთები: ახალი თაობა, რეზონანსი (მთელი კვირა რეზონანსი); ალია; საქართველოს რესპუბლიკა, ვერსია; კვირის პალიტრა; პრაიმტაიმი; ასავალ-დასავალი; ბანკები და ფინანსები; კომერსანტი (რუსული); ქრონიკა +; საქართველო და მსოფლიო; აჭარა.

ინგლისურენოვანი გაზეთები: მესინჯერი; ჯორჯია თუდეი; კავკასიან ბიზნეს ვიქი; ფაინენშელი.

ჟურნალები: გზა; ფორბსი; ლიბერალი; ფოკუსი; ინდიგო; ოქეი; აგრარული საქართველო; სარკე; თბილისელები.

ვებ-გვერდები და საინფორმაციო სააგენტოები: interpressnews.ge; epn.ge; info9.ge; pia.ge; kvira.ge; medianews.ge; newposts.ge; ghn.ge; gbc.ge; commerciant.ge; pirveliradio.ge; timer.ge; bpn.ge; bm.ge; radiotavisupleba.ge; newsgeorgia.ge; saqinform.ge; geword.ge; exclusivenews.ge; sazogadoeba.ge; gurianews.ge; icn.ge; msnews.ge; guriismoambe.com; topnews.com.ge; livepress.ge; bpi.ge; news.ge; ambebi.ge; on.ge; ipress.ge; tabula.ge; reportiori.ge; liberali.ge; primetimenews.ge; for.ge; accent.com.ge; ibusiness.ge; bfm.ge; presa.ge; droni.ge; psnews.ge; frontnews.ge; icmm.ge; newpress.ge; foreignpress.ge; speqtri.ge; iregions.ge; reginfo.ge; netgazeti.ge; gurianews.com; batumelebi.netgaziti.ge; qartli.ge; inforustavi.ge; kutaisipost.ge.

6. მონიტორინგს დაქვემდებარებული სექტორები:

კომუნიკაცია, მედია, პოლიტიკა, ბიზნესი, ეკონომიკა, ინვესტიცია, არასამთავრობო სექტორი, რეესტრის სექტორი, მუნიციპალიტეტი, ენერგეტიკა, ავიაცია, განათლება, არჩევნები, ფინანსური, საგარეო ურთიერთობები, ჯანდაცვა და სოციალური სფერო, ინფორმაციული ტექნოლოგიები, რკინიგზა, უძრავი ქონება, ტრანსპორტი, გზები, ტექნიკა, წყლის კომუნიკაციები, ლატარეა, ტურიზმი, ავტო, უმაღლესი განათლება, ქველმოქმედება, შემოსავლები, გენდერი, კონფლიქტები, უსაფრთხოება, სოციალური, კანონმდებლობა, სოციალური პროექტები, კრიმინალი.

შემსყიდველი:

მიმწოდებელი:

სსიპ „საქართველოს კომუნიკაციების ეროვნული კომისია“ საიდ. კოდი: 204953050 კომისიის თავმჯდომარე კახი ბექაური (გამოყენებულია ელექტრონული ხელმოწერა)	შპს „აიფიემ კვლევები“ საიდ. კოდი: 204447544 დირექტორი გოჩა ცქიტიშვილი (გამოყენებულია ელექტრონული ხელმოწერა)
--	---